

Enformaziuns y Comunicaziuns

La Crusc: En lönesc ai 29 de jügn èl festa de SS. Pire y Paul. Ales 7:30 èl prozesciun da San Linert cina sö La Crusc, ales 9:30 mëssa y dedò ores d'adoraziun por vocaziuns. Ales 15:00 benedisciun y conclujiun.

Zënter Families: Le ZFM organisèia ai 24 de messé na vijita al Planetar y al Osservatorio de Cortinastelle, por families con mituns da 6 agn ensö. An s'endüna ales 15:00 dan nodadoia d'Al Plan, por se mëter adöm con i auti. L'apuntamont è a Cortina dan le Planetario ales 17:00. Plü tert vàn cuntra Col Druscé. Alessandro Dimai se mostratrà les stères, i planëc y la löna. Le cost por entrames les vijites é de 9,00€ a porsona. Da s'anunzié èl anter i 30 de jügn pa Irina al 339/8557964.

KVW Seniorencub: Ai 24 de jügn và le Seniorencub a Le Sest (Sexten) - Kreuzbergpass y da enlò a pè sön la Nemes Alm. An pèia ia ales 8:20 dan le Cone, con le Citybus.

Iolan y bones vacanze!



M. Skwara

En ann de scora è jü a piz. Le Ploan y le Consèi de Ploania oress ringrazié la scora che ara à incé eniann daidé tla organizaziun y abelimont de funziuns y festes de dljia. A düc cané - scolari, stüdüc, direziun, insegnanc y geniturs orèssun ti aodé de beles vacanze da d'isté. Sambën enviunse incé dertan les vacanze da ne desmoncé nia l'amizizia de Chël Bel Dio, co ne và mai en vacanza.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o incé www.valbadiaonline.it



La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006


12. Domëgna dal ann B, ai 21.06.15 - nr. 30



N'ëise ciamó degüna fede?

Dal Vagnele do San Merch 4, 35 - 41

³⁶Ai è piès ia con chë barca, sön chëra che èl ea sonté. ³⁷T'en iade èl gnü en ont rodel dër sterch y les ones batea sora barca ete, tan che la barca à motü man da s'empli d'ega. ³⁸Mo èl s'an stea ponü te barca iadedò sön en plomac y dormia. Ai l'à cherdé y scraia: Maester, ne t'an valel nia ch'i jun sot? ³⁹Danlò èl loé sö, ti à manacé al ont y ti à dit al lé: Scuta, sta chit! Y l'ont s'à architè ia y al ea gnü döt chît. ⁴⁰Y al ti à dit: Ciodi ëise pa na te' pôra? N'ëise ciamó degüna fede? **Parora dal Signur. - Lalt a té, Gejù Crist!**



Perts dla pordica de Jënn

Cari pelegrins de Jënn, al fej na gran impresciun, odëi tan de ëi co prëia y cianta – y co mostra ensciö la fede te nosc Signur Geju Crist danter nos. Jënn è en post particular por nos cristiagn. Da tlò è piada ia nosta fede co à arjunt nüsc paisc. Sc'i gnun en pelegrinaje en Jënn orunse sambën ringrazié sora döt por la gran scincunda dla fede cristiana. I ringraziun ch'i conesciun Gejù Crist y söa bona noela, co à porté tan de confort y lominus tal monn. I se recordun incé dla responsabilitè ch'i àn da vire con convinziun dò i valurs cristiagn. Portede entrès danö ete te ostes families la bona noela de Gejù Crist, mostrédi a üsc mituns, a osta fomena, a üsc familiars y amisc, tan bel ch'al è da creïe t'en Bel Dio co s'ò tan bun.

Le sègno zentral de nosta fede cristiana è la crusc de nosc Signur. La crusc co ea en sègno de violënza y de na mort crödia è gnüda tres Geju Crist sègno de salvëza y d'amur. Enschiö podunse ciaré sö a Gejù Crist söla crusc y èl se ciara a nos con gran amur. Cösc amur nes dà tres endò forza da jì nosc tru, da se converti y meter man danö, da ti jì dò a d'èl co nes va danfora. Èl nes mostra le der tru co porta a la contentëza y a la felizité. La crusc romagn sambën incé en mistër. Vignönn de nos conësc incé la pert scöra y posocia dla crusc. Val'iade tòchera da porté la crusc, y i ne sun nia bogn da la scassé jö. Te chi momoné de soferonza ves aodi ch'i podëise sonti che Èl ne se lascia nia susc. Al è Èl co porta con os, al è Èl co patësc con os.

L'amur de Gejù Crist, l'amur dla crusc. Y con so amur èl danter nos, deschal s'à empormotü. Mo i messun tres endò le chirì. Jì en pelegrinaje ô pô di: Gejù, i ô te chirì, i o che te fejes pert de mia vita – de nosta vita. Sën sc'i jëis endò demez da Jënn, tolësse empara ci ch'i sontis atlò te üsc cörs. Tolësse con os trepa forza y benedisciun a cïasa y cuntédi a osta jont che le Signur è con nos. (Vëscö Ivo Muser)

Domëgna: 21.06: XII. Domëgna dal Ann: S.Lovije, S. Alban



Oferta por i bojügnis dla Ploania

8.30: S.M. a La Pli

9.30: Funziun dla domëgna: Corona

10.00: S.M. pro popolo por la Ploania
Benedisciun dal tomp

14.00: Funziun dal Bato: Lara Mutschlechner

Lön. 22.06: **Feria dla 12. edema: John Fisher y S.Tomesc Morus**

7.30: S.M. por +nc' Angelo, Clara y Franz Comploi
S.M. por +nt Paul Palfrader da Jung
S.M. por +nt Hans Erlacher de Corcela
S.M. por +nc' Erna y Franz Ties, Ras - Ritterkeller

Dédol. 23.06: **Feria dla 12. edema dal ann: Sa.Edeltraud**

7.30: S.M. a La Pli

Dédem.24.06 **Festa dal Nadè de S.Jan Batista, S.Theodulf**

18.00: S.M. por +nc' Überbacher Friedrich, Regina y Josefa
S.M. aniv. por +nc' Ida y Isidor Rindler de Costata
S.M. de rengraziamont
S.M. por +nta Marianna Frenner Call de Iosch
S.M. por +nc' Teresa Bernardi y Erich Ties de Cassl

Jöbia 25.06: **Feria dla 12. edema: Sa.Eleonora, Sa.Dorotea**

19.30: S.M. a La Pli

Vëndr.26.06.: **Feria dla 12. edema: S.Josefmaria Esrivà de Belaguer**

7.30: S.M. por les Püres Animes
S.M. de rengr. en onù de Sant'Antone
S.M. por +nta Stasi Rindler de Costata
S.M. por +nta Tille Comploi de Mano

15.00: Ora de adoraziun y oraziun

Sab. 27.06.: **S.Maria in Sabato: Sa.Hemma da Gurk, S.Cyrril de Alessa**

17.00: Possibilità da se pissiè

18.00: S.M. aniv.por +nt Matthias Call de Iosc
S.M. por +nt Ties Paul de Tone de Col
S.M. por +nc' de Obwegs Jep, Vica, Maria y Lois de Pipa
S.M. por +nt Franz Trebo dal Pêsta
S.M. por +nta Bratti Maria, Mantëna
S.M. por +nc' Pire y Nane Flöss de Poldele

Domëgna 28.06: XIII. Domëgna dal ann: S.Ireneus, Sa.Diethild

Oferta por i bojügnis dla Ploania

8.30: S.M. a La Pli

9.30: Oraziun dla Domëgna

10.00: S.M. pro popolo por dōta la Ploania
Benedisciun dal tomp

11.30: Funziun dal Bato: Ginevra Maneschg



La comunità d'Al Plan ti aoda
döt le bun, sanité y benedisciun ai geniturs
Karl Heinz Maneschg y Arlinda Mama
por le Bato de picia **GINEVRA**.

GEJÚ É CON NOS TLA BARCA

Le vagnele da encö é bëgn dër atual, na storia co po nes to la tëma.

Tëma alda pa nosta vita. Mo al fej bun da savëi, che i ne sun nia da susc con nüsç problems;

Ince d'atri á dificoltes. Y da tigní adöm ciafon forza y coraje da jí ennant. I sun sön le iade desco comunité.

Gejú ti comana al ont y ala tempesta da scuté.

Tal chit desson Le ascuté sö.

Te nüsç tomps moderns y de stress nes mancia gonot le chit. Mo proprio ël daür le tru al'oraziun.

"Le chit fej bun al'anima".

(Thérèse von Lisieux)

"Tal chit sciafiunse da ascuté sö la usc fina, morjela, co se lascia dagnora aldí te nos".

(Gandhi)

"Le chit nes porta a ascuté y aldí Chëlbeldio".

(Paul Tournier)

Der Glaube an Gott ist wie das
Wagnis des Schwimmens:
Man muss sich dem
Element anvertrauen
und sehen,
ob es trägt.

Hans Küng



G. Albers

Sorvisc dai Ministronć

Lönesc 22/06 (07:30h), Dédemesaledema 24/06 (18:00h), Vëndres 26/06 (07:30h): Jasmin y Martina Ties;

Sabeda 27/06 (18:00h): Lara Ploner, Kevin Sorà, Mara Rungger, Matteo Sottrovisch, Sara Doria, Matthias Willeit;

Domëgna 28/06 (10:00h): Simon, Daniel, Luca y Esther Comploi, Alice Daverda, Julia Erlacher;

